

և Մուրատ, երեքեանս զորս կամէին՝ առնէին նախա-
րար թագաւորի, թէ՛ առ պաղատն և թէ՛ ի փառս նո-
րա, որ յետ Սօֆուն գնեն վէզիր զՄուրատն, որ էր
եէնկիւնէր աղասի և ի տեղի նորա եղին զՂարա Չաւ-
ուշն և մեծ քէհա պէկ Մուստաֆա աղայ և այլք ի
զրուց, որք միակամ և միախորհուրդ, զոր յետոյ և
զՄէլէկն եղին, և որքան կար ունէին կամաց՝ անար-
գել արարին: Բայց մինչ ցայժմ ի հարկատուաց այլա-
սեռից և մեր յիւսս ոչ հասուցին և ոչ մի. քանզի
մինչև ցայժմ յաղայութիւն Ղարա Չաւուշին բնաւ ոչ
դօլ ել և ոչ զայր մի գանեաց, այլ յոյժ զօրացն պահ-
պանութիւն և յամենայն տեղիս զուլլուխի պատուէր
սաստիկ՝ զի ստահակ մի՛ երևեսցի: Բայց ոչ յազե-
ցան արծաթով, ոսկով և ընծայւիք յամենայն աշ-
խարհաց: Նոր իմն սկսան քթան և բամպակ և հար-
կապահանջութիւն արկանել ի վերայ արհեստաւորաց՝
ի կողմէ վէզիրին, յորմէ լինէր հրաման. և վերջինս
ցած ըստակ էր, որ արկին ի վերայ արհեստաւորաց,
ձի ըստակին ոսկի մի պահանջեալ: Եւ նոքա յարու-
ցեալ միաբանեցան՝ ըամք պէզեստանին և սարածխա-
նին, և ամենայն քաղաքացիք գնացին առ վէզիրն և
ասեն. Քանի՞ քանի առնես զայս և ընդէ՞ր այսքան
թէքէլիֆ և զուլմ: Եւ նա պահեաց զինքն և գտին
իւրեանց գլուխ զՍիաւուշ փաշայ՝ եկեալն ի Սիւխս-
տրայ և մուծին զնայ առ թագաւորն, և նա ասէ.
Զի՞ կեաս, հանձնաւորսն զի զամբոխն ցրուեսցուք
և զհակառակորդս քո սպանցուք: Զայս ասաց, զի
ունէր ոխ ընդ այլոց և հաճեցաւ զմիտս թագաւորին,
որում հաւատացեալ տայ զկնիքն վէզիրութեան՝ նմա:
Եւ հանեալ զսանձախն ըստ դէնին, զգրօշս առաջնոր-
դին իւրեանց և տնկեցին ի վերայ պարսպի տան ար-
քայի. և գոչէ մուսնետիկն ասելով. Ո՛վ տաճիկ է և
ի կողմ արքայի, մերձ առ սայ փութասցի գտանիլ: